

UGOVOR O ZAKUPU APARATA ZA VODU

Zaključen po direktnom sporazumu u postupku javnih nabavki između

JU „APOTEKE SARAJEVO“, sa sjedištem u Sarajevu, ul. Aleja Bosne Srebrene bb/IX, ID broj: 4200280090003, PDV broj: 200280090003, koju zastupa prim. mr. ph. Sait Muradić, generalni direktor (dalje u tekstu Zakupac)

i

CORTO d.o.o. Sarajevo, sa sjedištem u Sarajevu, ul. ulica Srđana Aleksića br. 22, ID: 4201534230001, PDV: 20153423000, PB 01703640; transakcijski račun: 132260-2012788922 kod NLB banke , UniCredit banka d.d. 3387202213735846, koje zastupa Lejla Šahinpašić, direktor (dalje u tekstu Zakupodavac)

Član 1. Predmet zakupa

Predmet ovog ugovora je zakup 16 (šesnatnaest) aparata za vodu pod nazivom AQUA BIANCA water cooler/a.

Aparati za vodu biti će postavljeni u poslovnim jedinicama kako slijedi: Apoteka Bašćaršija, Apoteka Dobrinja, Apoteka Ilidža, Apoteka Hadžići, Apoteka Hitna, Apoteka Ilijaš, Apoteka Marijin Dvor, Apoteka Novo Sarajevo, Apoteka Vogošća, Apoteka Bosna, Apoteka Stari Grad, Apoteka Centar, Apoteka Skenderija, Apoteka Pofalići i Apoteka Kovačići, te u sjedištu JU „Apoteke Sarajevo“.

Za korištenje aparata za vodu koji je predmet ovog ugovora, Zakupac će od Zakupodavca kupovati prirodnu izvorsku vodu «AQUA BIANCA », pakiranu u galonima od 18,9 litara, koja je pripadajući dio aparata za vodu, te čaše 100/1 kom.

Zakupodavac će vršiti sanitaciju aparata dva puta godišnje.

Ponuda broj: 596/18 od 08.05.2018. godine je sastavni dio ovog ugovora.

Član 2. Plaćanje

Zakupodavac daje Zakupcu aparat za vodu iz člana 1. bez naknade zakupnine.

Obaveza Zakupca je da plaća cijenu vode, koja se fakturiše prema važećem cjenovniku Zakupodavca. Zakupac Zakupodavcu plaća i cijenu čaša 100/1.

Cijena jednog galona vode od 18,9 litara iznosi 9,40 KM bez PDV-a, odnosno 11,00 KM sa PDV-om.

Cijena čaša 100/1 iznosi 2,13 KM bez PDV-a, odnosno 2,50 KM sa PDV-om.

Zakupodavac je obavezan Zakupcu dostaviti cjenovnik u printanoj i elektronskoj formi, odmah po zaključenju ovog ugovora.

Cijene naznačene u cjenovniku ne mogu se mijenjati za vrijeme trajanja ovog ugovora.

Zakupac se obvezuje kupljenu vodu plaćati na transakcijski račun Zakupodavca u roku od 30 (trideset) dana od dana isporuke.

Dostava vode u prostorije Zakupoprimca je besplatna.

Član 3. Održavanje aparata

Zakupodavac je dužan na šestomjesečnom nivou, radi održanja optimalnih higijenskih i zdravstvenih karakteristika vode, izvršiti sanaciju aparata / čišćenje limunskom kiselinom i promjenu filtera. Zakupodavac sanitaciju aparata vrši gratis.

Član 4. Obaveze Zakupodavca

Zakupodavac se obvezuje da će u roku od jednog radnog dana od dana narudžbe dostaviti robu Zakupcu.

Zakupodavac je obavezan na zahtjev Zakupca dostaviti kopiju izvještaja (nalaza) o fizičko – hemijskom ispitivanju vode, te kopiju izvještaja (nalaza) o mikrobiološkom ispitivanju vode, izdat od nadležnog organa.

Zakupodavac snosi odgovornost i garantuje da će za vrijeme trajanja ugovora voda u aparatima imati i zadovoljavati zahtjeve utvrđene Pravilnikom o zdravstvenoj ispravnosti vode za piće („Službeni glasnik BiH“ broj 40/10).

Periodi dostave izvještaja iz stava (2) biti će dogovoreni naknadno, u skladu sa dinamikom potrošnje vode.

Član 5. Obaveze Zakupca

Zakupac se obvezuje da će:

- kupiti mjesečno minimalno 2 (dva) galona prirodne izvorske vode «AQUA BIANCA»;
- u skladu sa ukazanom potrebom kupovati čaše za korištenje aparata 100/1
- jamčiti za pravilnu upotrebu cooler aparata, a na temelju uputstava o korištenju aparata koja se nalaze na aparatu;
- redovno plaćati dospjele fakture.

Član 6. Povlačenje aparata

U slučaju neispunjavanja obveza Zakupca iz člana 6. ugovora, a nakon pismenog upozorenja od strane Zakupodavca, Zakupodavac može povući cooler aparat.

Zakupodavac može zatražiti povrat cooler aparata ukoliko Zakupac ne koristi isti na način utvrđen ugovorom i priloženim uputstvima.

Član 7.

Zakupodavac ne odgovara za štetu koja je prouzrokovana nepravilnim korištenjem water cooler aparata.

Član 8.

U slučaju otuđenja ili uništenja opreme ili njezinog prekomjernog oštećenja za vrijeme dok se nalazi u posjedu Zakupca, Zakupac Zakupodavcu odgovara za naknadu štete do visine vrijednosti cooler aparata.

Pojedinačna vrijednost H2O water cooler aparata iznosi 300,00 KM + PDV.

Član 9. Trajanje ugovora

Ugovor se zaključuje do 10.05.2018. godine do 09.05.2019. godine.

Svaka ugovorna strana ima pravo da raskine ugovor pismenim obavještenjem drugoj ugovornoj strani, uz otkazni rok od 15 (petnaest) dana.

Zakupodavac zadržava pravo povlačenja aparat odmah ukoliko je Zakupac prekršio obaveze iz člana 6. ugovora.

Član 10.
Prelazne i završne odredbe

Ukoliko u toku trajanja ovog ugovora dođe do bilo kakvih promjena u nazivu ili drugim statusnim promjenama ugovornih strana, tada će sva prava i obaveze ugovorne strane kod koje dođe do takve promjene, preći na njegovog sljedbenika.

Za sve što nije predviđeno ovim ugovorom primjenjuju se odredbe Zakona o obligacionim odnosima i drugih pozitivnih propisa.

Ugovorne strane su saglasne da je u rješavanju eventualnog spora nadležan Sud u Sarajevu.

Ovaj ugovor je sačinjen u četiri istovjetna primjerka od kojih po dva primjerka zadržava svaka ugovorna strane.

Zakupac

JU „Apoteke Sarajevo“
Prim. mr. ph. Sait Muradić
Generalni direktor



Broj:01-03-824/18
Datum:10.05.2018.



Zakupodavac

CORTO d.o.o.
Lejla Šahinpašić
Direktor



Broj:
Datum: 10.05.2018.



